



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus III. De modis, quibus solvuntur contractus.

---

[urn:nbn:de:hbz:466:1-73045](#)

sic jurans, se non solutum usuras, non eo ipso jurat, se non repetitur, si violato iuramento solveret.

1030 Verum in hac re distinguendum videtur, an non revocare factum contra prius iuramentum, nullo jure prohibitum sit; an solum non prohibitum iuramento? si non sit prohibitum solo iuramento, sed alio jure? secundum iuramentum est de faciendo peccato, seu non facienda revocatione alienationis, alio jure, quam iuramenti debitae; si dicas, nec in vi iuramenti, nec etiam in vi juris alterius hoc casu esse debitem? contra est. Nam quando contractus confirmatur per iuramentum, contractus talis juratus obligat non solum in vi religionis, sed etiam in vi justitiae, juxta sententiam illorum etiam authorum; sed in dato casu alienatio, seu contractus alienationis non facienda, per iuramentum de non alienando est confirmatus per primum iuramentum de non alienando, ut tenet hæc sententia; ergo in dato casu alienatio prohibita est, non tantum jure religionis, sed etiam justitiae; ergo, non velle revocare alienationem factam contra primum iuramentum est prohibitum jure justitiae; ergo alio jure, quod non tollitur per alienationem contra factam, etiam jurata; ergo secundum iuramentum de non revocanda alienatione est contra obligationem justitiae, natam ex primo contractu jurato, & confirmato; ergo est de faciendo peccato.

1031 Dicas: ergo etiam iuramentum non repetendi usuras, momentaneè solutus, erit de faciendo peccato; & matrimonium juratum contra sponsalia de futuro pariter jurata; hoc autem dici non potest. Resp. disting. illatum; ergo etiam iuramentum non repetendi usuras momentaneè solutas erit de faciendo peccato, si non repeteret non sit alio jure prohibitum. N. si sit alio jure prohibitum. C. illatum. Ad alterum de matrimonio not. iuramentum matrimonio appositum dupliciter posse intelligi. 1. Si, contrahens matrimonium, juret, cum altero perseverare, Tom. III.

& daram fidem servare, dum matrimonium solvatur; 2. etiam soluto matrimonio, esto jure alio teneretur fidem servare primæ sponsæ celebrando conubium juratis sponsalibus promissum, si ipsa vellet, & nulla esset causa, propter quam talis viduus deobligaretur à fide data prima; nam per matrimonium, contra fidem primam contractum, ex parte violentis datam fidem, non sunt soluta, sed solum suspensa priora sponsalia jurata, ut diximus Lib. 4. tit. 1. Igitur si iuramentum appositum matrimonio, contracto contra priora sponsalia, extenderet se ad non praestandum prima sponsæ, quod ei juravit, etiam cum possit servare (qualiter foret soluto matrimonio) esset de peccato faciendo, & irritum foret.

### ARTICULUS III.

*De modis, quibus solvuntur contrac-*

*tus.*  
1032 **V**arii modi sunt solvendi contractus; prius initos, seu extinguedi; obligationem prius contractum. Porro quatuor praecipue modi sunt, quibus prior obligatio extinguitur. Non agimus hic de spontanea remissione, seu condonatione debiti, vel intrinseca, vel extrinseca, de qua Theologici, quando querunt, an debitum satisfactionis, peccato gravi per formalem offendit Dei contractum, à Deo condonari absolute possit condonatione solum extrinsecā ( qualiter homo homini remittit offenditam solum voluntate ) citra infusionem gratia sanctificantis, redditis hominem recte dispositum ad finem supernaturalem? qua in re in qq. Theologicis tenuimus olim, & nunc, affirmativam.

#### §. I.

*An, & qualiter solvantur contractus novatione vel delegatione.*

**N**ovatio, de qua Molina Tom. 2. 1033 Disp. 559. dicitur à verbo novare, id est, de novo facere, & à nova obligatione, quæ prioris loco succedit,  
Hk 2 L. 1.

L. i. ff. de novat. sic definitur ab Ulpian. est prioris debiti, seu obligationis in aliam obligationem, vel civilem, vel naturalem, transfusio, atque translatio, ita ut prior perimatur. Hujus exemplum dat Pereyra in Elucidar. num. 1062. dicens: debebat Cajus Sempronio decem aureos sub conditione, si navis ex India veniret: placuit inter ipsos novare obligationem, ut purè, ac sine conditione Cajus deberet sed alii negant, ut dicemus cum aliqua limitatione. num. 1035. *Delegatio*, est *mutatio unius debitoris in aliud, ex consensu creditoris*, sive talis debitor, ut reus subrogatus sit prioris debitoris debitor, sive non. Nam delegare apud Ulpian. L. *delegare* ff. de novat. est *vix sua aliud dare reum creditori*, vel creditor jussit. Unde patet discrimen inter Novationem, & delegationem: *Delegatio* est, cùm mutatur persona; *Novatio*, cùm vel conditio, vel dies, vel fidejussor innovatur.

1034 Ex hac Novationis definitione sequitur, eos, qui sunt inhabiles ad contrahendum etiam esse inhabiles ad novandum; hinc quā ratione pupillus, vel mulier (ille sine Tutoris auctoritate; ista, ea privilegio Senatus Consulti Vellejani) per contractum appositum non obligatur eadē novare non poterit; cùm non detur translatio obligationis, quæ nec fuit, nec est.

1035 *Quæstio est, an substitutio contraetus conditionati loco absoluti, sit novatio?* responsio est negativa ex L. 24. ff. de Novat. ibi: *quories, quod purè debetur, novandi causā, sub conditione promittitur, non statim sit novatio; sed tunc demum, cùm conditio existiterit, & lib. 8. §. cod. Legata, vel fidicomissa, si in stipulationem fuerint deducta, & hoc actum, ut novetur, sit novatio: si quidem purè, vel in diem fuerint relata, statim; sed ubi conditio existiterit.* Contra rursum collecta habentur in §. 3. Institut. Quib. mod. toll. oblig. ibi: *Quod autem diximus, si conditio adjiciatur, novationem fieri, sic intelligi oportet, ut ita dicamus factam novationem, si conditio existiterit; alioquin, si defecerit, durat prior obligatio.* Ex hoc colliges,

quando obligationi puræ substituitur conditionata, non censeri factam novationem prius, quam conditio existiterit, ut tradit Zoësius in lib. 3. Institut. tit. 30. num. 3. ubi addit: quod, si eadem persona sit, a qua stipularis, ita demum novatio fiat, si quid in posteriore stipulatione novi sit: fortè, si conditio, aut dies, fidejussor, adjiciatur; novationem fieri, sic intelligi oportet, ut ita dicamus factam novationem, si conditio existiterit; alioquin si defecerit, durat prior obligatio.

Not. autem, ut censeatur novatio 1036 facta, requiri expressum animum novandi, seu loco prioris obligationis aliena substituendi; nec sufficere sola judicia talis animum presumendi; cuius ratio sumitur ex §. 1. Institut. cod. ibi: *nō sit processit constitutio* (qua habetur L. fin. C. de novat.) *qua apertissimè definita, tunc solū novationem prioris obligationis fieri, quoties hoc ipsum inter contrahentes expressum fuerit, quod proprie novationem prioris obligationis conservent, alioquin & manere pristinam obligationem, & secundam ei accedere, ut maneat ex utraq. causa obligatio.*

*Delegationem* porro aliqui vocant 1037 speciem novationis; & quamvis Pereyra cit. existimet, ad delegationem non requiri, quod *novus debitor*, priori substitutus, sit prioris debitor, ut diximus supra: Contrarium tamen sentit Lopez post Glossam, & quosdam alios: sed tenendum cum Pereyra; nam hoc nullo jure requiritur; si enim substitutus, licet non sit debitor substituens, & quæ se obliget, nec Creditori minus acceptus sit, quam substituens; verè obligatio prioris debitoris transit in aliam personam, quò delegatio differt à novatione specificè accepta; quæ priorem obligationem transfert in aliam; quamvis alii dicunt novationem in specie differre à delegatione vel in forma, vel in obiecto. *In forma*, quando in locum obligationis ortæ ex tali specie contraetus, v. gr. *venditionis*, subrogatur obligatio ex alio contractu v. gr. *mutui*; ut si pretium pro fundo tibi vendito vellem esse debitum ex mutuo: *in obiecto*, quando

quando pro 100. debitis obligas te ad dandum fundum; quo casu, et si videri posset esse venditio, revera non est; nec talis teneretur ad solvendum tributum impositum venditioni.

1038 Si quæras, an esset delegatio, si Ego (per errorem putans, me debere centum Titio, debenti centum Cajo) animo novandi promittam Cajo solvere centum loco Titii? videtur dicendum negativè; nam si ego verè deberem 100. Titio, qui per errorem putaret se 100. debere Cajo, & isti animo novandi loco Titii solvere centum, non esset delegatio; ergo nec ibi: Resp. tamen, in priori casu esse veram delegationem, ut deducitur ex L. 18. ff. de novat. ibi: si non debitorem quasi debitorem delegavero, exceptio locum non habebit; sed condicione adversus eum, qui delegavit, competit: sensus est, quod in tali casu non possim excipere contra Cajum Creditorem, ubi à me (putativo debitore) promissam solutionem exigit, opponendo illi, quod promise- 1040 rim indebitum; possim tamen contra meum putativum creditorem, nempe Titium, ut condicione certi, propter solutionem à me non debitore factam Cajo, qui erat verus Creditor Titii.

1039 Ad rationem in contrarium, C. anteced. N. conseq. pto assignando discrimine not. in primo casu in Titio præcessisse veram obligationem, quā tenetur Cajo, & ad hanc extinguendam in illo, in me translatam esse, ex errore, quo purabam, me tantum debere Titio, quantum ille Cajo: in 2. casu obligatio Titii relata ad Cajum in re nulla est, sed per errorem existimat esse: igitur illam loco Titii, mei veri Creditoris, in me recipiendo, non possim extinguere in Titio, & cum affectu in me recipere, sicut in priori casu, ubi Titius verè debebat Cajo. Est igitur discrimen inter antecedens, & consequens in eo, quod in priori casu obligatio in Titio per me extinguenda vere præexistat; secūs, in secundo. In utroque casu extinguenda est obligatio in Titio; sed in primo casu, est vera; in secundo casu, est falsa.

In primo ergo, delegatio fieri potest, non in secundo; aliud est, si etiam in secundo casu Titius fuisset *verus* debitor Cajo, saltem in parte summa, quam ego illi debebam, & ex delegatione solvi Cajo; tunc enim jam fuisset in Titio, quod extinguerem, solvendo Cajum, ex obligatione Titii, in me translata.

§. 2.

An, & qualiter solvantur contractus compensatione?

Compensatio, seu alia voce, quamvis 1040 minus latinā, Recompensatio, juxta Modestinum l. i. ff. de compens. est debiti, & crediti inter se contributio; hoc est (ut exponit Molina tom. 2. disp. 560. init.) collatio quantitatuum, in quibus duo sibi invicem sunt debitores, & creditores, ut id detrahatur de eo, quod reus debet, minimeque debitum censeatur, ac pronuncietur, quod vicissim ei actor debet. Juxta Zoëlium, ad §. in bona fidei. Institut. de action. est debiti in debitum hinc inde in vim solutionis facta comparatio; juxta alios dicitur, quasi communis pensatio, & debiti ad debitum hinc inde facta deductio: ut, debo tibi quadraginta, tu mihi centum, dum peto à te centum, tu deducas, quadraginta.

Not. autem ad compensationem requiri, ut vicissim debitum sit debitum quantitatis, & liquidum, ut recte notat Zoëlius loc. cit. num. 71. id est, quod jure aperto nitatur. Illius ratio est, quod, sicut quantitas una pro alia recte solvit, ut in mutuo ita compensetur circa detrimentum creditoris: hujus vero, ne jus unius per alterum diminuitur, quod foret contra aequitatem, & contingere, si ille, cuius debitum est liquidum, posset compensationem opponere suo creditori, contra quem actionem habet, non nixam jure aperto; his præmissis.

Quæres t. an compensatio fieri possit quoad quantitatem aequalem, quando unus plus altero debet? Resp. affirmativè ex L. 4. C. h. t. ibi: si constat pecuniam invicem deberi, ipso jure 1042  
Hh 3 pro

pro soluto compensationem haberet oportet ex eo tempore, ex quo ab utraque parte debetur, utique quoad concurrentes quantitates, ejusque solius, quod amplius apud alterum est, usuræ debentur, si modo petitio earum subsistat. Not. autem 1. hic non attendi, an utrumque debitum sit ex eadem causa; sed sufficere, si unum ex hac, v.g. ex causa *exemptionis*; alterum ex causa *mutui*, modò utrumque liquidum sit. Not. 2. si debitum eò, quod compensas, inaius sit, & simul offeras reliquum, posse te pignus repetrere, per L. 12. C. eod. ibi: *invicem debiti compensatione habita, si quid amplius debebas, solvens, vel accipere creditore nolente offerens, & consignatum deponens, de pignoribus agere potes.*

1043 Quæres 2. quamdiu duret ius opponendi compensationem? Resp. quod usque ad executionem sententia, contra debitorem latet. L. 2. C. h. l. ibi: *Eum vero, qui judicati convenienter, compensationem pecunia sibi debite implorare posse, nemini dubium est, & quoniam in eadem L. 2. dicitur: ex causa quidem judicati, si debitum solutum, repeti non potest; ea proprie nec compensatio ejus admitti potest; sequitur, solutum prætermisā compensatione, non posse con- dici, tanquam indebitum.*

1044 Quæres 3. an compensatione sit locus, ubi debitum opposentis est solùm *naturale*; alterius autem *naturale*, & *civile*? Respondet Zoëlius cit. n. 72. nihil interesse, utrinque sit debitum utroque jure, & naturali; & civili? an verò ab altera parte sit debitum naturale tantum? cùm & hoc verum sit debitum, modò sit quantitatis, & liquidum: ut æquitat respondeat, ei satisfieri, atque ita, & in compensationem deduci. L. 6. ff. de Compensatione ibi: etiam *quod natura debetur, venit in compensationem*. Dices, contrarium haberi in proximè citat. L. 2. ubi dicitur, quod, quando per iniquam sententiam condemnatus judicatum solvit, non possit condicere, adeoque nec compensare. Resp. id intelligendum, ubi non constat Judici de iniquitate sententia; alias, nec debitum naturale cum nata-

rali posset compensari. Huic porro compensationi locus est etiam in casu, quo quis jurasset, (se debitum solutum) si compensationem opponeret exigenti solutionem; Compensatio enim est vera solutio; nisi specificè actum formaliter solvendi determinasset juramento; compensatio enim & *solutio in effectu*; sed non *in forma*.

Quæres 4. an debitum unius speciei possit compensari debito speciei alterius v.g. debitum *pecuniae*, debito *bovis*, vel *equi*, *u. negativè*, nisi res in specie non extet. Creditori enim invito nequit aliud pro alio solvi; re in specie debitâ, etiamnum extante. Nam fur equi non satisfacit reddendo estimacionem equi adhuc extantis. Nec obstat L. 6. C. h. t. ubi dicitur, *maritum posse compensatione uti propter res amotas*. Nam hoc intelligitur rebus amotis, non extantibus.

Not. præterea, quando diximus, 1045 compensationem fieri posse, ubi liquidum est debitum quantitatis, debere intelligi cum sequentibus limitationibus. 1. ut non procedat in casu debiti, etiam similis, in materia depositi, ut habetur L. fin. C. h. t. §. 1. ibi: *excepta actione depositi, secundam nostram sanctionem, in qua nec compensationi locum esse dispositum*. Et L. II. C. depositi, ibi: si quis, vel pecunias, vel res quasdam per depositum acceperit titulum, eas, volenti ei, qui depositum, reddere illico modis omnibus compellatur, nullaque compensationem, vel deductionem vel doli exceptionem oponat; sed & si ex utraque parte fuerit aliquid depositum, nec in hoc casu compensationis præpedio ortatur.

Secundo, ut non procedat in casu commodati; nam prætextu debiti, restitutio commodati, non probabiliter refusat. L. finali. C. de Commodat. Commodatum enim, sicut fit, sic restituendum est in re individua, & determinata, de quo tamen V. dicenda in seqq. Excipiunt enim aliqui casum, quo obligatus possit opponere debitum expensarum, quas fecit in rem commodatam.

Tertio,

1048 Tertiò, si alicui debet aliquid Republica, is, qui etiam aliquid debet reipublicæ, non potest opponere compensationem sic, ut, quod ipse debet, reipublicæ compensetur per id, quod sibi debitum est ab eadem, per L. 3. C. h. t. ibi : *in ea, que reipublicæ te debere fateris, compensari ea, que invicem ab eadem tibi debentur, is, cuius ea de re notio est, jubebit*, si neque ex calendario, neque ex vestigalibus, neque ex frumenti, vel olei publici pecunia, neque tributorum, neque alimentorum, neque ejus, qui statutis Sumpibus servit, neque fideicommissi Civitatis debitor sis; Ubi Glossa lit. N. Compensatio, ait, Fisco objici non potest, petenti tributa.

1049 Quartò limitatur, ut non procedat, quando quis possessionem alienam perperam occupat; nam talibus compensatione non datur, ex L. fin. §. C. eodem, ubi plura de compensatione statuantur: verba legis sunt: *Compensationes ex omnibus actionibus ipso jure fieri san-cimus, nullà differentiâ in rem, vel personalibus actionibus inter se observanda;* ita tamen compensationes objici jubeamus, si causa, ex qua compensatur, liquida sit, & non multis ambagibus innovata; sed possit judici facilem exitum sui prestare; satis enim miserabile est, post multa forte, variaque certamina (cùm res jam fuerit approbata, tunc ex altera parte, quæ jam penè convicta est, opponi compensationem, jam certo, & indubitate debito; & moratoriis ambagibus spem condemnacionis excludi) Hoc itaque Judices obseruent, & non procliviores ad admittendas compensationes existant, nec molli animo eas suscipiant, sed jure stricto utentes, si invenerint eas, majorrem, & ampliorem exposcere indaginem, eas quidem alii judicio refervent; litem autem pristinam jam penè expeditam, sententiâ terminali componant: excepta actione depositi secundum nostram sanctionem, in qua nec compensationi locum esse disposuimus: Possessionem autem alienam perperam occupantibus, compensatio non datur.

Nam ex hoc textu deducitur 1. compensationes fieri posse in omnibus (nisi id alicubi specialiter limitetur) sine discrimine actionum *realium*, vel *personalium* inter se. 2. id limitari, ut non procedat, nisi causa *liquida* sit, & non multis ambagibus intricata, sed sit facilis expeditionis: 3. Judices, ubi causa compensationis non est facile, ac sine ambagibus expedibilis, eam differant in aliud judicium; & priorem, cui compensatio opponitur, jam ferè expeditam, per tentantium definitivam componant.

Præterea Not. 1. non dari compensationem *rei judicatae soluta*; bene tamen *solvenda* per L. Ex causa quidem

2. C. eod. Not. 2. ubi constat, *pecu-niam invicem deberi*, compensationem ipso jure haberi pro soluta. L. se constat 4. C. eod. Not. 3. non posse fieri compensationem ejus, quod non ei debitum, qui convenitur; sed alii, L. *Eius*, quod. 9. C. eod. Not. 4. Excommunicatum, *volentem uti compensatione*, non audiri; constat ex L. *Li-bertus* 14. ff. de in jus vocando. Nam excommunicato denegatur *actio*, cuius vim habet compensatio; L. *amplius*. ff. rem ratam haberi; quòd nil facit, quòd excommunicato sit permissa *tui defensio* in excipiendo cap. 5. de except. est enim naturalis, & ita postulat *æquitas* judicantis, ne claudicet judicium, secùs autem *de actione*. Cessionario tamen excommunicatus auditur, *com-pensare volens*; à Costal. in L. 4. ff. h. t. quòd in eo non sit eadem ratio, quæ in excommunicato, qui non impe-dit *actiones suas* cedere.

Not. 5. Legatarium, cui quid reli-1051  
ctum est sub conditione *dandi*, non satifacere conditioni *per compensationem* ejus, quod sibi debetur, prout colligi potest ex L. 8. §. *quories*. ff. de conditionibus institut. ubi, nisi det, vel faciat, uti jussus honoratus, non consequitur legatum. Est enim haec conditio pendens ex mera dispositione Testatoris, & respiciens *specifcam* dominii translationem, quam non inducit compensatio, quæ nullius interventu facit extin-gui

gui obligationem pro hac, in parte; per tex in L. *Maximus* 35. ff. de Condit. & demonstr. ubi requiritur, ut legatarius, quantum est in se, det, licet is, cui dare jussus est, non sit capax: facit & text. in L. *Julianus* ff. cit. titul. Ex ejus contextu patet, jussum dare, non paruisse conditioni, si eo accepto latum fuerit, quod jussus erat, dare, licet, liberetur ex eo, quod non stet per ipsum, sed per eum, in cuius persona adimplenda conditio.

1052 Not. 6. quando debitor aliquid legat, censeri velle compensare debitum necessarium, nimis lege, vel statuto; sed non voluntarium, nempe spontaneam voluntate inductum; ratio est, quia obligatio, per legem inducta, est præter pacientis voluntatem, cui durum gravari duplice præstatione; ut lex, quem gravat in uno, sublevet in altero, presumendo Compensationis gratiam esse relictum, quæ ratio non obtinet in debitore voluntario; quomodo (in L. si cum dotem. 22. §. Si Pater. ff. solut. matrimon.) habetur Patri, qui dotem insciâ filiâ à genero exegerat, legando filiæ tantum, actionem ad dotem contra generum non esse; ratio est, quia censetur voluisse compensasse.

### §. 3.

*An, & qualiter solvatur contractus acceptilatione?*

1053 Acceptilatio est contractus, latissime acceptus, seu potius distractus, scilicet liberatio per mutuam interrogacionem, qua utriusque contingit ab eodem nexus absolutio, id est dissolutio. L. i. ff. cod. tit. Est enim imaginaria solutio, qua simulatur, debitorem soluisse, quod non solvit; idque animo remittendi, ut, si alter dicat (quidquid tibi per stipulationem promisi, vel ex stipulatu debui, habesne acceptum?) & alter respondeat: (habeo, acceptumque fero) quasi dicat: perinde habeo, ac si acceptissim à te per veram solutionem. Unde, sicut vera solutio, ita acceptilatio, verè liberat; sicut enim (inquit Molina Tom. 2. Disput. 254.)

jure civili introductum fuit, ut stipulatio, quæ verbis perficitur, civilem induceret obligationem; ita consentaneum rationi fuit judicatum, ut obligatio illa, aliis quoque verbis, scilicet acceptilationis, disolveretur. Duplex est acceptilatio; altera vulgaris, altera Aquilia dicitur. *Vulgaris* habetur, L. an inutilis. ff. de acceptilat. est que, quæ una stipulatione constat, neque ad aliam, quam ad verborum obligationem referri potest: cum v. gr. is, qui verbis obligatus est, à suo creditore, stipulatur sic: (quod tibi debeo, habesne acceptum?) Aquilia (Lib. i. ff. eod.) mutua, & reciproca stipulatione constat: & ad omnes omnium generum obligations extinguendas, excogitata est. Ex quo patet acceptilationem aliam esse, quæ fit per stipulationem simplicem, veluti, si quis dicat Creditori: dicem, quæ promisi, accepta habes? facit hæc liberationem plenam ab obligatione; & hæc dicitur *vulgaris*; aliam *Aquiliam*, inventam, introductam, & dictam à Juris-Consultis Aquileio, §. 2. Instit. quibus modis obligatio tollitur, quæ à priori differt in forma, & effectu, ut dicemus statim. Ejus forma in eo stat, quod prior obligatio novetur, in eam, quæ verborum est (v. gr. quod tibi debeo ex empto, vel mutuo, ex stipulatione acceptum habes?) & subiungarunt stipulatio vulgaris, v. gr. quod tibi ex stipulatione debeo, acceptum habes? & hæc dicitur *Aquila*? sic Zoësius in 1.8. C. tit. 44.

Not. autem verborum obligationem esse ex stipulatione, quæ dicitur, firma verborum conceptio, quæ quis aliquid se facturum, daturumve promittit in continentis alteri, super hoc ipsum interroganti; ut si dicatur: (pondes dare tantum? sponsa, promitti centum? promitto; facies? faciam; fidejubes? fidejubeo. Dicitur (conceptio verborum) quia hic contractus non oritur, nisi interveniat solennitas verborum. Ponitur (facturum, daturumve) ut intelligatur semper fieri per verba futuri temporis, & comprehendere stipulationes tam faciendi, quam dandi. Adatu, (incontinenti) quia responsio promittentis debet statim subsequi proxime inter-

interrogationem stipulantis, nullo actu extraneo interveniente. L. *continuus*. ff. deverborum oblig.

1053 Dividitur stipulatio in puram, conditionalem, & in diem; rursus in Aquilinam, Prætoriam, judiciale, cautionalem, & communem; *Pura* est, quæ nec sit sub conditione, nec in diem, sed absolute, ut si dicatur: *Promittis hoc? promitto.* Deinde *Conditionalis* est, quæ sit interveniente conditione: ut sic: *Spondes mihi centum, si Christianus Turcam vicerit?* altero respondentente: *Spondeo;* stipulatio in diem est, quando assignatur dies pro termino impletionis: ut si dicatur: *Promittis mihi centum ad calendas Augusti?* *Promitto:* *Prætoria* est, quæ solius Prætoris jurisdictioni relinquitur, proindeque à mero prætoris officio proficitur. *Judicialis* est, quæ propter judicium interponitur, ut ratum fiat, *judicatum solvi*: & hæc non coram prætore, sed coram aliis judicibus expeditionem consequitur. *Communis* sic dicitur, quia tam apud Prætorem quam coram aliis Judicibus cognoscitur, & est, quæ sit *judicio sistendi causa*. *Cautionalis* est, quæ aquilia jam dictum est: instar actionis se habet, & ut fiat novatio, intercedit: ut stipulatio de legato, de tutela, & aliis. Et quidem omnis stipulatio natura sua cautionalis est: generaliter enim sit, ut quis cautor, & securior reddatur. *Stipulator* est, qui per interrogationem promissorem obligat. *Commissa* stipulatio dicitur, cùm id, quod per eam promissum est, debetur, ff. de verb. obligat. his præmissis.

1054 Quæstio est 1. an acceptatio habeat vim tollendi obligationem? 2. qualiter acceptatio sit incunda, ut pariat liberationem? 3. quæ obligations exinguuntur acceptatione vulgari? 4. Que acceptatione *Aquiliæ?* 5. Quomodo acceptatio differat ab epocha? 6. quid in hoc possit Procurator, Tutor, Curator, & similes? 7. an acceptatio *inutilis* habeat vim pacti usus? Ad 1. R. affirmativè, ex definitione acceptationis; & colligitur ex §. 1. Instit. Quibus modis toll. obligat. ibi: *itemper acceptationem tollitur obligatio.* Ad 2. R. quod pure, quia diem, & conditionem respuit, uti, & solutio, ad cuius exemplum est inducta L. 4. & 5. ff. h. t. op' enim est in ea verbis, quæ

*Tem. III.*

actus presentis sunt significativa, & ab ipso facto, executione actus nomen sumunt, cui dies, & conditio repugnant; cùm executioni impedimentum ponant: Alciat. 3. parerg. cap. 7. Ad 3. R. quod sola, qua verbis inita, ac contracta sunt, ex §. item acceptatio; Instit. eod. Cùm naturale sit, unumquodque eo genere dissolvi, quo colligatum, quomodo obligatio consensu, aut literis, aut re initâ, per acceptationem vulgariter non tollitur. Ad 4. R. Solas extingui obligationes, qua per novationem prius transferunt in obligationem verborum, seu stipulationem.

Ad 5. R. inter acceptationem, & apocham hoc interesset, quod acceptatione omnimodo liberatio contingit, licet pecunia soluta non sit: apacha non alias, quam si pecunia soluta sit. Ex quibus constat, latius patere acceptationem, quam apocham; Sic enim definitur L. 1. eod. tit. *Acceptatio est liberatio per mutuam interrogationem, qua utriusque contingit ab eodem nexus absolutio.* Ad 6. R. in hoc singulariter statutum esse, quod non recte acceptum, nomine alienofaciant, aut rogent, nisi precedente novatione, quæ jus, aut obligatio in novantem transfundatur L. 13. §. 10. ff. h. t. ibi. Tutor, Curator, furiosi, ferre non potuit; nec procurator quidem posset facere acceptum: sed hi omnes debent novare; possunt enim & sic accepto facere; *Ne his quidem accepto fieri potest, sed novatione facta poterunt liberari per acceptationem.* Ad 7. R. affirmativè, quatenus vitium dat materia; ut, quia acceptatum, quod debetur ex causa mutui: *inutiliter enim hoc, ut ita dictum, accepto fertur: inde tamen oritur exceptio pacti de non petendo L. *funus*.* 27. §. si acceptatio. ff. de pact. Hoc enim agitur dictâ acceptatione, ut tollatur obligatio, nisi aliud actum: quod, si vitium in forma fuerit (ut si nutu facta fuerit) nihil operabitur; argum. L. 1. §. si quis ita. ff. de verb. oblig. facit enim defectus formæ rem neutiquam subesse.

S. 4.  
*An, & qualiter solvantur contractus solutione?*

1055 Inter modos solvendi, seu tollendi obligationem contractuum, primo loco

II

re

Tract. in Lib. III. Decretal. Quæstio. XIII.

250

recensetur solutio. Nam solutione obligationem tolli extra dubium est ; quæ targè accepta , quamlibet liberationem continet ; strictè , est ejus , quod in obligationem deductum est , præstatio . L. solutio. ff. de præstat. quomodo hic sumitur ; & constat ex Instit. tit. de solutionib. ibi : soluitur autem omnis obligatio solutione ejus , quod debesur ; vel , si quis consentiente creditore aliud pro alio solverit . Nec inter- est , quis solvar , utrum is , qui debet , an alius pro eo . Liberatur enim & alio solvenire , si ve sciente , sive ignorantie debitore , vel in- vito eo solutio fiat : Item , si reus solverit , etiam ii , qui pro Reo intervenierunt , libe- rantur . Idem ex contrario contingit , si fi- dejus for solverit : non enim ipse solvit libe- ratur , sed etiam reus .

1059 In hac materia quæstio. 1. est , quid requiratur , ut solutio rectè fiat , & ope- retur effectum extinguendi debitum : & quod fiat 1. ab eo , qui debet , & habet li- beram rerum suarum administrationem ; hinc à pupillo , furioso , à prodigo , non rectè fit ; quod his sensibus defectus im- pedierit licentiam administrandarum rerum suarum . L. quod si. 14. §. fin. ff. co- dem . 2. quod fiat ei , cui debet , etiam si invito , ut notat Zoësius in l. 8. ff. tit. 34. de solutionib. & liberation.

1060 Quæstio altera est , an obligatus in diem possit solutione , etiam prius factâ , debi- tum extinguere ? seu , an solutio ante diem rectè fiat ? negativam sequitur Cujacius l. 23. observ. c. 22. & quidam alii : affirmativam autem ( quæ probabilius est , nisi dies specialiter adjectus sit in fa- vorem Creditoris ) Haunoldus tom. 3. tr. 8. n. 169. & communis . Nam ex L. Quod certa 70. ff. de V. O. habetur , quod , certâ die dandum , statim dari po- test . Deinde ex L. 38. §. 16. ff. cod. ibi: inter incertam , certamque diem discriminem esse ex eo quoque appareat , quod in certam diem promissum , vel statim dari potest ; totum enim medium tempus , ad solven- dum , liberum promissori relinquitur . Ter- tiò , ex L. 137. ff. cod. ibi : nam & quid in diem debetur , ante solvi potest , licet peti non potest .

Cujus ulterior ratio est ; quia dies communiter adjicitur in favorem debi- toris , ex L. 41. §. 1. ff. de V. O. ibi : ex quo appareat diei adjectionem pro Reo esse ,

non pro stipulatore : favori autem suo quilibet ritè renuntiat ; sic Zoësius cit. in l. 8. C. tit. 34. q. 4. Dixi : nisi dies spe- cialiter adjectus sit in favorem Creditoris ; nam tunc ante diem , hoc invito , debitum non extinguitur ex cit. L. 41. Unde not. et si verum sit juxta L. 39. ff. de solutio- nib. solutionem , & obligationem fieri de- bere tempore opportuno ; tempus tamen non censeri importunum ; quando Creditor est invitatus utcumque , puta , non rationabiliter ; nec à loco fit argumentum ad tempus ; locus enim , de quo , pro fa- cienda solutione , conventum est , adjici- tur in favorem Creditoris ; tempus , in favorem debitoris . Ex eo autem quod Creditor , etiam recusatà solutione ante diem , possit solutionem exigere die con- stituto , non sequitur ; ergo non potest invito solvi ante diem , quia potest etiam exigere post diem constitutum , & tamen solutio fieri potest , die con- stituto .

Quæstio est 3. quibus personis fieri pos- 1061 sit solutio cum effectu , ut censeatur Creditor facta ? Solutionem rectè fieri Tu- tori , & Curatori , nisi administratio eis sit interdicta . L. 14. de solut. 2. Procuratori generali , ex L. 34. §. 3. ff. de solut. Speciali autem tantum id , de quo illi specialiter mandatum est ; non autem , si præcise da- tus sit ad lites . L. 86. ff. cod. ibi : Hoc jure en- timur , ut litis procuratori non rectè solvatur ; nec Procuratori solum patitio , nisi pecunia venerit ad verum Creditorem , vel is ratum habeat . ex L. 34. §. 9. ff. cod. ibi : Si refutuerit , debitores liberantur , & L. 12. ibi : Etsi non verè Procuratori solvam , ratum au- tem habeat Dominus , quod solutum est , libe- ratio contingit . 4. Etiam Creditoris Creditor , quando res versa est in commo- dum primi Creditoris ( sic enim ponit ex- ceptionem soluti ) arg. L. Debitores 28. L. qui hominem . 34. §. Si pрадо ff. cod. L. qui operas fit de except. dolimali . Aliud di- cendum , si Creditori non fuerit utilis propter diem adjectum , & retentionem , compensationemve .

Idem dicitur L. 36. ff. de negot. gest. Si 1062 fuit eadem causa solvendi Creditori in- Creditoris ; Si enim liber homo , bonâ si- de mihi serviens , mutuam pecuniam sumpserit , eumque in rem verterit , nego- tiorum gestorum actio danda est : Quæ- desinit

desinit competere, si creditorij ejus soluta sit: Si autem non fuit causa, secus dicendum, nisi sit conversa in commodum primi; sed eo casu liberatio continget solū ope exceptionis, ut dixi n. præced.

1063 Quæstio est 4. Si debitor ex pluribus causis obligatus (debeat 100. ex empto, 100. ex mutuo, 100. ex legato &c.) solvat 100. cuius debiti liberationem operetur talis solutio? *R.* Id est in arbitrio debitoris exprimere; si non expressit, fore in arbitrio Creditoris, cui debito potius acceptum ferat, sic tamen, *ut prius in usuras id quod solvitur, deinde in sortem accepto feratur.* L. 1. & 2. ff. h. t. In casu autem, quo neuter expressit, ea præfertur, ad quam de facto cogi potest; si ex pluribus cogi de facto possit, ea præfertur, quæ gravior est.

1064 Quæstio 5. est, an solutio partis recte fiat, & liberet? *R.* quod regulariter non liberet Creditore invito, ex L. 9. C. h. t. L. Tutor. 41. ff. de usuris. L. qui pignori. 19. ff. de pignor. act. ubi non liberatur pignus, nisi debito 100. soluto: Ratio est, quod habeat partialis solutio multa incommoda. L. 3. ff. fam. ercise. Nec obstat lex quidem ff. de rebus credit. ubi admittit jurisconsultus, non posse ipso iure cogi Creditorum ad partis acceptationem; humanius tamen esse, Prætorem partes suas interponere, ita exigentibus circumstantiis causæ, quod acceptilatio pro parte admittatur, nam in ea lege agitur de debito, quod partim liquidum, partim illiquidum erat.

1065 Præter hæc not. 1. *Solutioni* simile est, se oblationem rei debitæ, quæ duplex est; nam alia est *verbalis*, quæ fit, quando debitor dicit, *se paratum ad solvendum, quod debet;* alia *realis*, quando debitor rem ipsam repræsentans paratus est illam de manu in manum tradere; illa, regulariter nullum effectum producit, ne quidem moram incursum auferens; Jason in L. *Si ita quis* ff. de verb. oblig. n. 18. multò minus liberans à principali obligatione; & hoc in rebus mobilibus, est enim tantum nudum propositum, quod citra effetum est.

1066 Not. 2. quod oblatio *realis* possit esse, aut *nuda*, aut *conjuncta cum rei obsignacione, vel depositione*, quando debitum est e-

jus generis, ut sacco concludi possit; *oblationis realis nuda* plures haber effectus, si fiat opportuno tempore, & loco; emendat enim moram; periculum oblata pecunia transfert in Creditorem, saltem per exceptionem dolii mali in contractibus stricti juris; in bona fidei, ipso jure. L. qui decem 72. ff. de solut. L. Interdum. 73. in fin. ff. de verb. oblig. in ultima voluntate debita pecunia ratione implenda conditio semel oblata, indistinctè non est item offerenda; habetur enim conditio ibi pro impleta, quando stat per eum, in cuius persona implenda, quo minus impletatur. L. jure civili. 24. ff. de condit & demonst. sed de hoc satis. V. Zoësium loc. cit.

#### ARTICULUS IV.

##### *De habilitate contrahentium.*

Quæstio 1. est, an quis ex vi status Religiosi reddatur inhabilis ad celebrandos contractus? *R.* ex vi status Religiosi, ut sic nullum Regularem in particulari, nec etiam Communiteatem incapacem reddi ad contractus celebrandos; nam quod oritur ex vi status Religiosi in genere, verificari debet de qualibet specie, immo & individuo; hoc autem fallit i. nam Scholastici Societatis Jesu, postquam emiserunt tria vota, tantum simplicia, sunt verè ac propriè Religiosi, non minùs, quam aliarum Religionum professi; Deinde Conventus, & Communites Cisterciensium, sunt communites verè, ac propriè Religiosæ; at Scholastici Societatis, etiam in persona sua particulari retinent dominium rerum suarum temporalium, ut constat ex Constitut. Gregorii XIII. ascendente Domino & dicta Communites in communi pariter habent dominium rerum, & bonarum temporalium, super quibus cum consenuit Superiorum validè, ac licet contrahunt, ut ostendimus l. 2. tit. 2. & constat ex Trid. sciss. 25. de Regularibus ibi: *Conceditur omnibus monasteriis, tam virorum, quam mulierum, etiam mendicantium, (exceptis Franciscanis, nempe Capucinis, & Minoribus de observantia ut deinceps bona immobilia eis possidere liceat.*

*Tom. III.*

Ii 2

Not.